

Nd.

997. Frumvarp til laga

um breyting á lögum nr. 93 25. sept. 1942, um að reisa nýjar síldarverksmiðjur.

Frá fjárhagsnefnd.

1. gr.

2. gr. laganna orðist þannig:

Til byrjunarframkvæmt samkvæmt 1. gr., sem hefjist svo fljótt sem ástæður leyfa, heimilast ríkisstjórninni að taka lán innanlands, fyrir hönd ríkissjóðs, að upphæð allt að 27 millj. króna.

2. gr.

Með lögum þessum eru úr gildi fallin lög nr. 46 23. febrúar 1945, um breyting á lögum nr. 93 25. sept. 1942.

3. gr.

Lög þessi öðlast þegar gildi.

Greinargerð.

Frumvarp þetta er flutt að beiðni atvinnumálaráðherra. Nefndarmenn áskilja sér rétt til þess að bera fram breytingartillögur eða fylgja breytingartillögum, er fram kunna að koma. Frumvarpinu fylgir svo hljóðandi greinargerð:

Með lögum nr. 93 25. sept. 1942, um að reisa nýjar síldarverksmiðjur, var ríkisstjórninni heimilað að taka lán að upphæð 10 millj. kr. til byrjunarframkvæmt samkvæmt 1. gr. nefndra laga. Á 63. löggjafarþingi 1944 var lántökuheimild þessi hækkuð upp í 20 millj. kr. Var þá miðað við það, að reist yrði 10 þúsund mála verksmiðja á Siglufirði og 5 þúsund mála verksmiðja í Höfðakaupstað. Á síðastliðnu vori skipaði atvinnumálaráðherra byggingarnefnd til þess að vinna að því, eins og frekast væri unnt, að koma fyrرنefndum verksmiðjum upp fyrir síldarvertið 1946, þó þannig, að afköst verksmiðju þeirrar, er reist skyldi í Höfðakaupstað, yrði að minnsta kosti 7500 mál á sólarhring. Stærð véla hefur verið ákveðin þannig, að öruggt má telja, að meðalafköst verði ekki minni en að framan greinir og sennilega nokkru meiri.

Framkvæmdir eru nú það vel á veg komnar, að nokkurn veginn má sjá, hver byggingarkostnaðurinn verður. Má ætla, að til þess að unnt verði að ljúka byggingarframkvæmdum bæði í Höfðakaupstað og Siglufirði þurfi að hækka lántökuheimild ríkisstjórnarinnar úr 20 milljónum kr., eins og hún er í nágildandi lögum, upp í 27 milljónir króna.